

Titel: Die Woord van Lewe
Pastoor: Fred May
Datum: 27 Julie 2008
Tyd: 19h15



Esegiël 16:4-6

⁴ En wat jou geboorte aangaan — die dag toe jy gebore is, is jou nawelstring nie afgesny nie; en jy is nie met water gewas om jou te reinig nie; ook is jy nie met sout ingevrywe of in doeke toegedraai nie. ⁵ Geen oog het medelyde met jou gehad om vir jou een van hierdie dinge te doen, om vir jou jammer te wees nie; maar jy is op die oop veld gegooi uit afsku vir jou lewe, die dag toe jy gebore is. ⁶ En Ek het by jou verbygegaan en jou sien spartel in jou bloed; toe het Ek vir jou gesê in jou bloed: Leef! Ja, Ek het vir jou gesê in jou bloed: Leef!

A Die weeskind- / Aspoestergees

Vroulik, sieklik, misvorm, swak, ongewens
Vrees vir skande en skaamte
Gesins- of persoonsarmoede
Dus verfoei, verafsku, verag, weggesmyt, verwerp

Johannes 14:15-18

¹⁵ As julle My liefhet, bewaar my gebooië. ¹⁶ En Ek sal die Vader bid, en Hy sal julle 'n ander Trooster gee om by julle te bly tot in ewigheid: ¹⁷ die Gees van die waarheid wat die wêreld nie kan ontvang nie, omdat dit Hom nie sien en Hom nie ken nie; maar julle ken Hom, omdat Hy by julle bly en in julle sal wees. ¹⁸ Ek sal julle nie as wese agterlaat nie; Ek kom weer na julle toe.

B Die swakkeres

I Korinthiërs 1:26-31

²⁶ Want let op julle roeping, broeders: julle is nie baie wyse na die vlees nie, nie baie magtiges, nie baie edeles nie; ²⁷ maar wat dwaas is by die wêreld, het God uitverkies om die wyse te beskaam; en wat swak is by die wêreld, het God uitverkies om wat sterk is, te beskaam; ²⁸ en wat onedel is by die wêreld en wat verag is, het God uitverkies, en wat niks is nie, om wat iets is, tot niet te maak, ²⁹ sodat geen vlees voor Hom sou roem nie. ³⁰ Maar deur Hom is julle in Christus Jesus, wat vir ons geword het wysheid uit God en geregtigheid en heiligmaking en verlossing. ³¹ Daarom, soos geskrywe is: Die wat roem, moet in die Here roem.

Ontvang dit wat is / nederige aanvaarding

Psalm 51:5

⁵ Kyk, in ongeregtheid is ek gebore, en in sonde het my moeder my ontvang.

Johannes 3:5-6

⁵ Jesus antwoord: Voorwaar, voorwaar Ek sê vir jou, as iemand nie gebore word uit water en Gees nie, kan hy in die koninkryk van God nie ingaan nie. ⁶ Wat uit die vlees gebore is, is vlees; en wat uit die Gees gebore is, is gees.

Romeine 5:12

¹² Daarom, soos deur een mens die sonde in die wêreld ingekom het en deur die sonde die dood, en so die dood tot alle mense deurgedring het, omdat almal gesondig het

C Uitgebreide vleuels

Esegiël 16:8-13

⁸ En Ek het by jou verbygegaan en jou gesien, en kyk, jou tyd was die tyd van liefde. Toe het Ek my vleuel oor jou uitgesprei en jou naaktheid toegedek. Ja, Ek het vir jou gesweer en met jou 'n verbond aangegaan, spreek die Here HERE, en jy het myne geword. ⁹ Daarop het Ek jou met water gewas en jou bloed van jou afgespoel en jou met olie gesalf. ¹⁰ Ook het Ek jou beklee met veelkleurige klere en

vir jou skoene van robbevel gemaak, en Ek het jou gehul in fyn linne en jou oordek met sy. ¹¹ Verder het Ek jou met sierade versier en armbande aan jou hande gesit en 'n ketting om jou hals. ¹² En Ek het 'n ring aan jou neus gesit en ooringe aan jou ore en 'n pragtige kroon op jou hoof. ¹³ Ja, jy het jou versier met goud en silwer, en jou klere was fyn linne en sy en veelkleurige stowwe; jy het fynmeel en heuning en olie geëet, en jy was buitengewoon mooi en so voorspoedig dat jy koninklike waardigheid bereik het.

Rut 3:9

⁹ En hy vra: Wie is jy? Toe antwoord sy: Ek is Rut, u dienaar; brei dan u vleuel oor u dienaar uit, want u is die lossers.

Jesus ons Nabestaande-verlosser

D Die kragtige Woord

I Johannes 3:1-3

¹ Kyk wat 'n groot liefde die Vader aan ons bewys het, dat ons kinders van God genoem kan word! Om hierdie rede ken die wêreld ons nie, omdat dit Hom nie geken het nie. ² Geliefdes, nou is ons kinders van God, en dit is nog nie geopenbaar wat ons sal wees nie; maar ons weet dat ons, as Hy verskyn, aan Hom gelyk sal wees, omdat ons Hom sal sien soos Hy is. ³ En elkeen wat hierdie hoop op Hom het, reinig homself soos Hy rein is.

Johannes 1:12-13

¹² Maar almal wat Hom aangeneem het, aan hulle het Hy mag gegee om kinders van God te word, aan hulle wat in sy Naam glo; ¹³ wat nie uit die bloed of uit die wil van die vlees of uit die wil van 'n man nie, maar uit God gebore is.

Esegiël 37:1-10

¹ Die hand van die HERE was op my, en Hy het my uitgebring deur die Gees van die HERE en my neergesit in die laagte; en dit was vol bene. ² En Hy het my by hulle laat verbygaan na alle kante toe; en kyk, daar het 'n groot menigte oor die laagte gelê, en kyk, hulle was baie dor. ³ Toe sê Hy vir my: Mensekind, kan hierdie bene lewendig word? En ek antwoord: Here HERE, U weet dit. ⁴ Daarop sê Hy vir my: Profeteer oor hierdie bene en sê vir hulle: Dor bene, hoor die woord van die HERE! ⁵ So spreek die Here HERE tot hierdie bene: Kyk, Ek bring gees in julle in, sodat julle lewendig kan word. ⁶ En Ek sal senings op julle lê en vlees oor julle laat opkom en 'n vel oor julle trek en gees in julle gee, sodat julle lewendig kan word; en julle sal weet dat Ek die HERE is. ⁷ Toe het ek geprofeteer soos my beveel was. En sodra ek geprofeteer het, was daar 'n geruis, en kyk—'n beroering! En die bene het nader gekom, elke been na sy been. ⁸ Toe kyk ek en—daar was senings op hulle, en daar het vlees op gekom, en 'n vel is bo-oor hulle getrek, maar daar was geen gees in hulle nie. ⁹ Daarop sê Hy vir my: Profeteer tot die gees, profeteer, mensekind, en sê aan die gees: So spreek die Here HERE: Kom aan uit die vier windstreke, o gees, en blaas in hierdie dooies, dat hulle lewendig kan word. ¹⁰ En ek het geprofeteer soos Hy my beveel het. Toe het die gees in hulle gekom, en hulle het lewendig geword en op hulle voete gaan staan—'n ontsaglike groot leer!

Josua 5:7-9

⁷ Maar in hulle plek het Hy hul seuns gestel; dié het Josua besny; want hulle was onbesnede, omdat hulle op pad nie besny is nie. ⁸ En toe die hele volk klaar besny is, het hulle op hul plek in die laer gebly totdat hulle gesond was. ⁹ Toe het die HERE vir Josua gesê: Vandag het Ek die smaad van Egipte van julle afgewentel. Daarom het hulle dié plek Gilgal genoem tot vandag toe.